

«ՉՈՒԱՐԹՆՈՑ»Ը ԿՐՆԱՅ ԸՆԴԱՐՁԱԿՈՒԻԼ

Հայաստանի փոխվարչապետ Միքայիլ Գրիգորյան յայտնեց, որ Երևանի «Չուարթնոց» օդակայանը այլևս բաւարար չէ սպասարկելու սպասուած հոսքին: «Պետք է օդակայանին մէջ կառուցել նոր կայան», ըսաւ Գրիգորյան եւ հաստատեց, որ այդ մասին կան բանակցութիւններ, որոնք ընթացքը սակայն բարդ է: Ըստ փոխվարչապետին, ներդրումին չափը 450 միլիոն եւրոյի շուրջ է:

ԱՄԱՌԸ

ԵԼԵԿՏՐԱԿԱՆՈՒԹԻՒՄԻՆ ԿՊԱՅՈՎԵԼՈՒ ՓՈՐՁ

Վարչապետի պաշտօնակատար Նեմիպ Միքայիլ երէկ վարչապետարանին մէջ գումարեց երկու ժողով՝ ներկայութեամբ ուժանիւթի նախարարի պաշտօնակատարին եւ



ուժանիւթային ոլորտը տնօրինող խորհուրդի ներկայացուցիչներուն: Ֆայտ ժողովէն ետք յայտնեց, որ քննարկած են Ելեկտրականութեան թղթածրարը՝ ներառեալ ամռան սեմին Ելեկտրամատակարարումի ժամերուն յաւելումը եւ Ելեկտրականութեան մէջ Ելեկտրածին յաւելեալ սարքերու գործարկումը: Ժողովականները արծարծած են նաեւ արեւային վահանակներով Ելեկտրականութիւն արտադրող ընկերութիւններուն գորակցելու հնարաւորութիւնը, որպէսզի արագացնեն իրենց ծրագրերուն գործարկութիւնը Լեռնալիբանանի եւ Զիւսիսի մէջ:

ԱՊՕՐԻՆԻ ՎԱՃԱՌԱՏՈՒՆԵՐՈՒ ՓԱԿՈՒՄ

Ընդհանուր անվտանգութեան ծառայութեան Պեքայի մասնաճիւղը երէկ շարունակեց տուրիստներու կողմէ ա-



պօրինաբար տնօրինող ընկերութիւններու եւ վաճառատուներու խուզարկումը եւ Զըրմէլի շրջանին մէջ փակեց շարք մը նման հաստատութիւններ: Նման խուզարկումներ տեղի ունեցան նաեւ հարաւային Սուրի մէջ: Երէկ

(Շար.ը տեսնել 2րդ էջ)

ՓԱՇԻՆԵԱՆ.

«ՄԱՀՄԱՆ ՉԻ ՍՏԵՂԾՈՒԻՐ, ԱՅԼ ԿԸ ՎԵՐԱՐՏԱԴՐՈՒԻ»

Հայաստանի վարչապետ Նիկոլ Փաշինեան վերահաստատեց, որ Ատրպէյճանի հետ սահմանագատումի համաձայնութիւններուն միջոցաւ կը վերարտադրուի Հայաստանի ինքնիշխան սահմանը, որ արդէն գոյութիւն ունեցած էր, իսկ այժմ պարզապէս կը յստակացուի: «Յետեւաբար, տեղի ունեցածը զիջում անուանելը տեղին չէ, այլ խորքին մէջ յաջողութիւն է, որովհետեւ Հայաստանի պատ-



մութեան մէջ առաջին անգամ բանակցութեամբ կը վերարտադրուի սահմանը եւ կը դրուի հետագայ զարգացումի եւ անկախութեան ամենէն կարեւոր անկիւնաքարը», շեշտեց Փաշինեան: Խօսելով Հաւաքական անվտանգութեան պայմանագրի կազմակերպութեան անգործութեան մասին, Փաշինեան յայտարարեց, որ ՀԱԿԿ-ի առնուազն երկու անգամ մասնակցած էր Հայաստանի դէմ Ատրպէյճանի պատերազմի նախապատրաստութեան:

Վարչապետը երէկ Ազգային ժողովին մէջ խօսեցաւ ելեկտրոնային կողմէ տուրքերու վճարումի թղթածրարին մասին: «Մենք առաջարկեցինք աշխատանքի լծել հարկային համակարգը, բայց հաւաքուած ամբողջ գումարը վերադարձնել Հայ առաքելական եկեղեցւոյ, եթէ անոր անհրաժեշտութիւնը ըլլայ», ըսաւ վարչապետը: Դիտել տալով, որ իր առաջարկը մերժուած է, Փաշինեան այդ համարեց թափանցիկութեան խնդիր: «Այսինքն, Ելեմտական հոսքերու հետ, ըստ եւութեան, կան խնդիրներ: Տուրքերէն խուսափողներուն մօտ կը բացակայի պետական գաղափարախօսութիւնը, մեր պետութեան ապագային մասին անոնց պատկերացումը», նշեց Փաշինեան: Իսկ Պետական Եկամուտներու կոմիտէի նախագահ Ռուստամ Պատասեան յայտարարեց, թէ պետութիւնը ունի տուրքերու ոչ անհրաժեշտ արտօսութիւններէն հրաժարելու քաղաքականութիւն մը:

Ազգային ժողովի նիստին ընթացքին երէկ բանավեճ տեղի ունեցաւ նաեւ իշխող եւ ընդդիմադիր կուսակցութիւններու կարգ մը երեսփոխաններու միջեւ՝ Հայաստանի գերիշխան տարածքին անջուրեմամբ: Ազգային ժողովի նախագահ Ալեն Սիմոնեան եւ Քաղաքացիական պայմանագիր կուսակցութեան խմբակցութեան ղեկավար Հայկ Զոնճորեան պատասխանեցին իրենց ուղղուած՝ ընդդիմադիր երեսփոխան Արծուիկ Միլասեանի հարցումին եւ նշեցին, որ Հայաստանի գերիշխան տարածքը 29.743 քառակուսի քիլոմետր է: Անոնք, իրենց կարգին, ընդդիմադիրներէն պահանջեցին յստակօրէն յայտնել, թէ կ'ընդունին այդ տարածութիւնը: Իսկ երբ ընդդիմութիւնը մերժեց յստակ պատասխան տալ, դիմելով խուսափողական այլընտրանքներու, Զոնճորեան յայտարարեց. «Դուք քաղաքական հայդուկներ եք, որովհետեւ ձեզի պէտք չէ յստակութիւն, օրինակականութիւն»: Ան բացատրեց, որ Հայաստանի ինքնիշխան տարածքէն 208 քառակուսի քիլոմետր գրաւուած է Ատրպէյճանի կողմէ՝ մէկ մասը 1990-ականներէն, իսկ մնացեալը՝ 2021-էն ետք:

ՅԱՐԱԲԵՐՈՒԹԻՒՆՆԵՐՈՒ ԱՄՐԱՊՏԴՈՒՄ

Հայաստանի արտաքին գործերու նախարար Արարատ Միրզոյեան յայտնեց, որ հայ-երուպական յարաբերութիւն-



ները կ'ենթարկուին դրական վերատեսութեան: «Երկու կողմերն ալ ունին յարաբերութիւնները խորացնելու քաղաքական կամք», վստահեցուց նախարարը:

ԵՐԵՒԱՆԻ ՄԵՋ ՀԱՆՐԱԿԱՌԵՐՈՒ ԳՈՐԾԱԴՐՈՒ

«Տաւուշը յանուն հայրենիքի» ընդդիմադիր շարժումի ղեկավար Բագրատ Արք. Գալստանեան երէկ տեսակցեցաւ տնտեսագետներու, կրթութեան եւ գիտութեան ոլորտներու խումբ մը մասնագետներու հետ, ապա Սուրբ Աննա



Ելեկտրոնային շրջափակին մէջ ամփոփեց օրը: Ան իրաւապահ համակարգին կոչ ուղղեց արծագանգելու իշխող Քաղաքացիական պայմանագիր կուսակցութեան պատասխանատուներու ելոյթներուն: Նախկին նախագահ Սերժ Սարգսեան եւս մասնակցեցաւ Բագրատ Սրբազանի շարժումներուն եւ յայտարարեց, թէ ամէն ինչի պատրաստ է, որպէսզի շարժումը յաջողի եւ իսանի իշխանափոխութեան: Իսկ երէկ յետմիջօրէի ժամերէն սկսեալ Երեւանի մէջ գործադուլ յայտարարեցին հանրային փոխադրակառքերու վարորդները՝ անդամալուծելով ամբողջ քաղաքը, ուր գործերէն արծակուած հազարաւոր քաղաքացիներ երկար ժամանակ ի գուր սպասեցին զիրենց տուն փոխադրող հանրակառքերը:

1976-Ի ԶԱՐՏԵՉՆԵՐՈՒ ՈՐԴԵՂՈՒՄ

Հայաստանի արտաքին գործերու նախարարի տեղակալ Մնացական Սաֆարեան յայտնեց, որ 1976-ի քարտեզները հիմք պիտի ծառայեն բոլոր շրջաններուն մէջ Ատրպէյճանի հետ սահմանագատում եւ սահմանագծում կատարելու համար: Թուրքիոյ արտաքին գործերու նախարար Հաքան Ֆիտան յայտնեց, որ Անքարա լիովին կ'աջակցի Ատրպէյճանին՝ Հայաստանի հետ սահմանագատումի թղթածրարին հարցով: Ան դրական համարեց «Հայաստանի կողմէ բըռնագրաւուած չորս գիւղերու Ատրպէյճանին վերադարձը», նաեւ Ալմաթիի մէջ արտաքին գործերու նախարարներու հերթական տեսակցութիւնը:

ՊԱՂԵՍՏԻՆԻ ՊԵՏՈՒԹԵԱՆ ԾԱՆԱԶՈՒՄ

Իսրայէլի կողմէ Կազայի դէմ շղթայագերծուած պատերազմին եւ Այսրյորդանանի ու Երուսաղէմի մէջ շարունակուող ոտնձգութիւններուն լոյսին տակ, Նորվեգիա, Սպանիա եւ Իրլանտա երէկ ճանչցան Պաղեստինի պե-



տութիւնը եւ պահանջեցին անյապաղ վերջ տալ իսրայէլեան բռնութիւններուն: Իրլանտայի վարչապետը վստահութիւն յայտնեց, որ շարք մը երկիրներ շուտով պիտի հետեւին իրենց օրինակին: «Ապագայ չունի սիոնիզմի այս ծայրայեղական տարբերակը, որ կը սնուցանէ իսրայէլացի վերաբնակիչներուն բռնութիւնները պաղեստինցիներուն եւ անոնց հողերուն նկատմամբ», ըսաւ Իրլանտացի պաշտօնակատարը՝ աւելցնելով, որ պաղեստինցիները արժանի են յոյսով եւ խաղաղութեամբ լեցուն ապագայի:

Սպանիոյ վարչապետ Փետրո Սանչէզ, իր կարգին, խորհրդարանին մէջ տրուած ուղերձով մը յայտարարեց Պաղեստինի պետութեան ճանաչում՝ Կազայի մէջ 7 Զոկտեմբերէն ի վեր շարունակուող պատերազմի լոյսին տակ: «Իսրայէլի վարչապետ Պենիամին Նեթանիահու կը շարունակէ կործանել Կազան, իսկ մենք խաղաղութեան ձգտող ժողովուրդ եք եւ այդ մասին կ'ապացուցեն ժողովրդային խաղաղ ցոյցերը», ըսաւ սպանացի վարչապետը:

Իսկ Նորվեգիոյ վարչապետ Եռնաս Կար Սթոր յայտարարեց Պաղեստինի պետութեան անկախութեան իր երկրին ճանաչումը, շեշտելով, որ այդ կը նշանակէ զօրակցիլ չափաւորական ուժերուն, որոնք սկսած են վերատեսութեան ենթարկել իրենց դերը շարունակուող հակամար-

տութեան մէջ: Միւս կողմէ, ամերիկեան Սպիտակ տունը յայտարարեց, թէ նախագահ Ճօ Պայտըն կը հաստատայ, որ Պաղեստինի պետութեան ճանաչումը պէտք է իրականանայ բանակցութիւններով, ոչ թէ միակողմանի որոշումներով: Իսկ Ֆրանսայի վարչապետը շեշտեց, որ մինչ Պաղեստինի անկախ պետութեան ճանաչումը բացառուած չէ, Փարիզ կը կարծէ, թէ այս փուլը այդ քայլին դիմելու յարմար առիթն է:

Որպէս հակադարձութիւն Պաղեստինի պետութեան ճանաչումին, Իսրայէլի Ելեմտաքին նախարարութիւնը առկապեց տուրքերու գումարներուն պաղեստինեան իշխանութեան փոխանցումը, ինչպէս նաեւ պաղեստինեան բարձրաստիճան անձնատրութիւններուն տրամադրուած արտօսագրերը, պահանջելով արտօսութիւն տալ իսրայէլեան յաւելեալ բնակավայրերու կառուցումին:



ՄԱԿ-ի ընդհանուր քարտուղարի տեղակալ Մարթին Կրիֆիթը նշեց, որ անցակէտերու փակումին պատճառով կարելի չէ մարդասիրական օգնութիւն հասցնել Կազայի բնակչութեան: «Իսրայէլ դիտմամբ կը թիրախաւորէ Կազայի մէջ գործող UNRWA-ի հաստատութիւնները եւ կը հաւատանք, որ պատերազմի աւարտը տակաւին հեռու է», շեշտեց Կրիֆիթը՝ աւելցնելով, որ գոհերուն մասին Կազայէն հրապարակուող թիւերը ճշգրիտ են, թէն Իսրայէլ կը փորձէ շեշտել հակառակը:

(Շար.ը տեսնել 2րդ էջ)

«ԿԸ ՑԱՒԱԿՑԻՄ ԲԱՐԵԿԱՄ ԵՐԿՐԻ ԺՈՂՈՎՈՒՐԻՆ»

ԱԼԵՆ ՍԻՄՈՆԵԱՆ ԳՐԱՌՈՒՄ ԿԱՏԱՐԵՑ ԻՐԱՆԻ ԴԵՍԱՎԱՆԱՏԱՆ ՄԵՋ ԲԱՑՈՒԱԾ ՍԱՐՑ ՄԱՏԵԱՆԻՆ ՄԵՋ

Հայաստանի Ազգային ժողովի նախագահ Ալեն Սիմոնեանը Հայաստանի մեջ Իրանի դեսպանատան մեջ յարգանքի տուրք մատուցեց ուղղաթիռի արկածի հետեւանքով զոհուած Իրանի նախագահ Իպրահիմ Ռախիսիի, արտաքին գործերու նախարար Զըքէյն Ամիր Ապտըլլահեանի եւ անոնց ուղեկցող այլ պաշտօնեաներու յիշատակին:



Ազգային ժողովի նախագահը գրառում կատարեց դեսպանատան մեջ բացուած սպոյ մատենակին մեջ:

Լրագրողներու հետ զրոյցին Աժ նախագահը ցաւակցութիւն յայտնեց Իրանի բարեկամ ժողովուրդին՝ տեղի ունեցածին առիթով:

«Շատ ցաւալի իրադարձութիւն է, եւ պատիւ ունեցած եմ հանդիպում ունենալու թե՛ նախագահին, թե՛ արտաքին գործերու նախարարին հետ: Անոնք ե՛ւ մեր երկրին համար, ե՛ւ տարածաշրջանին համար շատ գործուն աշխատանք եւ ջանքեր կը դնեն: Շատ ցաւալի է, կը ցաւակցիմ բարեկամ երկրի ժողովուրդին՝ այս շատ անսպասելի եւ անհասկանալի իրադարձութեան հետ կապուած: Արդէն երեւի գիտեք, որ յաջորդի կը նախատեսուէր նախագահին այցը Հայաստան, այդ մեզի համար շատ կարեւոր էր, ու հիմա մենք նոյնպէս շատ կը ցաւինք՝ այս ողբերգութեան հետ կապուած», - ըսաւ Սիմոնեան:

Սպոյ մատենակին մեջ գրառում կատարած է նաեւ ԶԶ բարձր արհեստագիտական արդիւնաբերութեան նախարար Մխիթար Հայրապետեանը:

ԻՐԱՆԻ ՓՈԽԴԵՍՊԱՆԸ ԶՕՐԱԿՑՈՒԹԵԱՆ ԶԱՄԱՐ ԸՆՈՐՉԱԿԱԼՈՒԹԻՒՆ ՅԱՅՏՆԵՑ ԶԱՅԱՍՏԱՆԻ ԺՈՂՈՎՈՒՐԻՆ ԵՒ ԿԱՌԱՎԱՐՈՒԹԵԱՆ

Իրանի նախագահ Իպրահիմ Ռախիսիին եւ անոր ուղեկցող անձերու ուղղաթիռի ողբերգական վթարէն յետոյ Իրանը կը շարունակէ ցաւակցութիւններ ստանալ բարեկամ երկիրներէ: Հայաստանի մեջ Իրանի դեսպանատան մեջ լրագրողներու հետ զրոյցին այս մասին ըսաւ Հայաստանի մեջ Իրանի փոխդեսպան Պահրամ Թոհերիին:



«Շատ ցաւալի եւ ծանր դէպք տեղի ունեցած է Իրանի ժողովուրդին համար: Այդ դէպքը տեղի ունենալէն յետոյ մենք մեր բարեկամ երկիրներէն կը ստանանք ցաւակցական ուղերձներ: Ցաւակցական ուղերձներ կը ստանանք նաեւ մեր ազնիւ բարեկամ Հայաստանի ժողովուրդին եւ կառավարութեան կողմէ:

Եւ դեսպանին, ինչպէս նաեւ դեսպանատան ամբողջ անձնակազմին կողմէ շնորհակալութիւն կը յայտնեմ Հայաստանի ժողովուրդին եւ կառավարութեան այս զօրակցութեան համար եւ Հայաստանի ժողովուրդին կը մաղթեմ խաղաղութիւն, բարգաւաճում եւ ծաղկուն օրեր», - նշեց փոխդեսպանը:

Ան նաեւ յաւելեց, որ Հայաստանի մեջ Իրանի դեսպան Սեհտի Սոպհանին ԶԶ վարչապետ Նիկոլ Փաշինեանի հետ մեկնած է Իրան՝ մասնակցելու ուղղաթիռի արկածի հետեւանքով զոհուած պաշտօնեաներու հիւսիսային արարողութեան:

ՀՀ ՎԱՐՉԱՊԵՏԻ ԱՇԽԱՏԱԿԱԶՄԻ ԴԵԿՎԱԿԱՐԸ ԸՆԴՈՒՆԱԾ Է ՀԱՅԱՍՏԱՆԻ ՄԵՋ ՉԻՐԱՆԱՅԻ ԴԵՍՊԱՆԸ

Հայաստանի վարչապետի աշխատակազմի դեկավար Արայիկ Յարութիւնեանը ընդունած է Հայաստանի մեջ Ֆրանսայի արտակարգ եւ լիազօր դեսպան Օլիվիէ Տեքթիսիին շրուակիցները քննարկած են Հայաստան-Ֆրանսա բազմադրոյր համագործակցութեան, այդ շարքին՝ տնտեսութեան, ենթակառուցումներու, պաշտպանութեան եւ մարդասիրական բնագաւառներուն մեջ համատեղ ծրագրերուն առնչուող հարցերու լայն շրջանակ:



Կողմերը կարեւորած են երկկողմ բարձր մակարդակի փոխայցելութիւններու կազմակերպումը: Արայիկ Յարութիւնեանը ընդգծած է երկու երկիրներուն միջեւ առանձնայատուկ յարաբերութիւններու փաստը՝ յաւելելով, որ Հայաստանի կառավարութիւնը շահագրգիռ է տարբեր ոլորտներու մեջ փոխգործակցութեան զարգացմամբ ու ընդլայնմամբ:

Կողմերը անդրադարձ կատարած են Հայաստանի եւ Ֆրանսայի միջեւ տնտեսութեան ոլորտին մեջ համատեղ ծրագրերուն: Զննարկուած են աշխարհահռչակ հայազգի երգիչ Շարլ Ազնաւուրի 100-ամեակին նուիրուած միջոցառումներուն, ինչպէս նաեւ 2027 թուականին Երեւանի մեջ կայանալիք Ֆրանքֆոնի խաղերու նախապատրաստական աշխատանքներուն վերաբերող հարցեր:

ԱՄԱՐԸ ԵՒ ԿՏՐԱԿԱՆՈՒԹԻՒՆ ԿՐԱԿՈՎԵԼՈՒ ՓՈՐՁ

(Շարունակուած Ա. Էջէն)

տարածուած ուսումնասիրութեան մը արդիւնքը ցոյց տուաւ, թէ Սուրիոյ մօտակայ երկիրները ապաստանած սուրիացիները կը նախընտրեն վերադառնալ տուն՝ այդ երկիրներուն մեջ իրենց նկատմամբ բանեցուած ճնշումներուն լոյսին տակ: Երէկ նաեւ կոչ ուղղուեցաւ 27 Մայիսին բողոքի նստացոյց մը կազմակերպելու Եւրոմիութեան Պրիսթինի գրասենեակներուն առջեւ՝ պահանջելու համար սուրիացիներու տունդարձի ֆինանսատրուում, որպէսզի անոնք չմնան Լիբանան, այլ վերադառնան հայրենիք:

ԹՄՐԱՆԻԹ ՏԱՐԱԾՈՐՆԵՐՈՒ ԶԵՐԱԿԱԼՈՒԹԻՒՆ

Ներքին ապահովութեան ուժերու ընդհանուր տնօրէնութիւնը յայտարարեց, որ երկարատեւ հետապնդումներ



րու եւ հետախուզական աշխատանքի շնորհիւ, Տեղեկահաւաքի բաժանմունքը յաջողած է Պէյրութի հարաւային արուարձաններու Սէն Թերեզ շրջանին մեջ ձերբակալել թմրանիւթի վաճառական լիբանանցի մը եւ իր սուրիացի գործընկերը: Ապահովութեան ուժերը գրաւուած շարժանիւն յայտնաբերած է թմրախոտ եւ քրքային, ատրճանակ մը եւ չորս փամփուշտ: Նախնական հետաքննութեամբ ի յայտ եկած է, որ ձերբակալուած լիբանանցիին հետապնդուած է ապահովական ուժերուն կողմէ եւ անոր դէմ արձակուած է ցկեան բանտարկութեան դատաւճիռ, մինչ սուրիացիին եւս ծանօթ է իր օրինախախտումներով, մնաւորաբար մարդու վաճառականութեան ոլորտին մեջ:

Երէկ լուսարձակի տակ մնաց Թրիփոլիի Նաւահանգիստէն Լիբանան մուտք գործած թրքական ատրճանակներ



րու թղթածրարը: Այս առումով սուր քննադատուեցաւ Նաւահանգիստի տնօրէնութիւնն ու ապահովական համակարգը: Որպէս հակադարձութիւն, Նաւահանգիստի աշխատակիցներու սենտրիզայի նախագահ Ահմատ Սալիտ դատապարտեց «անհիմն տեղեկութիւններու հրապարակումը» եւ զգուշացուց Նաւահանգիստին աշխատանքը խափանելու եւ պաշտօնեաները գործազրկութեան մատնելու վտանգէն: Անոր համաձայն, «տեղի ունեցածէն կարելի է խուսափիլ խստացնելով ապահովական քայլերը եւ կառուցողական քննադատութեամբ, ոչ թէ ժխտական շարժումներով»:

ՊԱՂԵՍԻՆԻ ՊԵՏՈՒԹԵԱՆ ԾԱՆԱԶՈՒՄ

(Շարունակուած Ա. Էջէն)

ՈՏԵԶՈՒԹԻՒՆ ԱՔՍԱՅԻ ԴԵՍ

Կազայի պատերազմի սկիզբէն ի վեր առաջին անգամ ըլլալով, Իսրայէլի ազգային անվտանգութեան հարցերու նախարար, ծայրայեղ աջի ներկայացուցիչ Իթմար Պըն



Ղաֆիր երէկ ոստիկանութեան ընկերակցութեամբ ներխուժեց Երուսաղէմի Աքսա մզկիթը եւ շէշտեց, որ «պետք է տիրապետել մեզի համար այս գերագոյն կարեւորութիւն ներկայացնող վայրին», ըսաւ նախարարը:

ԱՇԽԱՐՀԸ ԻՐԱՆԻ ՄԵՋ

Իրանցի մահացած բարձրաստիճան պաշտօնատարներու յուղարկանքներուն եւ թաղումի արարողութեան մասնակցելու համար Թեհրան ժամանեցին արեւելի քան 10 երկիրներու դեկավարներ, 20 երկիրներու վարչապետներ



Եւ նախարարներ, եւ արեւելի քան 30 այլ պետութիւն ներկայացնող երեսփոխաններ, յատուկ պատուիրակներ եւ այլ պատասխանատուներ: Թեհրան հասնողներու շարքին էին Հայաստանի վարչապետ Նիկոլ Փաշինեանը, Լիբանանի խորհրդարանի նախագահ Նեպիի Պըրրիի գլխաւորած պատուիրակութիւնը, Զաթարի իշխանը, Սեւուական Արաբիոյ եւ Արաբական Միացեալ Էմիրութիւններու արտաքին գործերու նախարարները:

Համառ շարժումի քաղաքական գրասենեակի նախագահ Իսմայէլ Հանիա յուղարկանքներուն ընթացքին իր արտասանած խօսքին մեջ վստահեցուց, որ «Պաղեստինի ժողովուրդը պիտի շարունակէ դիմադրութիւնը՝ մինչեւ պաղեստինեան հողի ամբողջական ազատագրումը»:

ԶԱՅԱՍՏԱՆԻ ԶԱՆԴԵՊ ԶԳԱՅՈՒՆ ՍՕՏԵՑՈՒՄ

Հայաստանի վարչապետ Նիկոլ Փաշինեան Իրանի մեջ տեսակցեցաւ իսլամական յեղափոխութեան հոգեւոր գերագոյն առաջնորդ Այաթոլլա Ալի Խամենեյիի հետ՝ ցաւակց



ցելու նախագահ Իպրահիմ Ռախիսիի եւ միւս պաշտօնատարներուն՝ ուղղաթիռի արկածի պատճառով մահուան առթիւ: Խամենեյի յայտնեց, որ հանգուցեալ նախագահը շատ զգայուն էր Հայաստանին հետ կապուած սահմանախախտումներուն առնչութեամբ: Իսկ Փաշինեան շէշտեց, որ «այս դժուարին ժամանակահատուածին մեջ մենք նեցուկ կը կանգնինք մեր լաւ բարեկամ եւ հարեան Իրանի պետութեան ու ժողովուրդին»: Իսկ Իրանի նախագահի ժամանակաւոր պաշտօնակատար Մոհամմատ Մոխպէրի հետ տեսակցութեան ընթացքին Հայաստանի վարչապետը յոյս յայտնեց, որ Ռախիսիի հետ նախանշուած ծրագրերը կը շարունակուին, Հայաստանի անունով խորին ցաւակցութիւն յայտնելով Իրանի պետութեան եւ ժողովուրդին:

ՊԼԻՆՔԸՆ ՏԵՈՒՐ ԶԷ

Միացեալ Նահանգներու արտաքին գործերու նախարար Անթոնի Պլինքըն կարծիք յայտնեց, թէ Իրանի ժողովուրդը այսօր արեւելի լաւ վիճակի մեջ է նախագահ Իպրահիմ Ռախիսիի մահէն ետք: Ամերիկեան գոնկրեսիսի մեջ խօսելով Ռախիսիի մահուան առիթով Ուաշինկթընէն Թեհրան ուղարկուած ցաւակցագրին մասին, Պլինքըն նշեց, որ նման ցաւակցագրեր կը յղուին պաշտօնակիցներու մահուան պարագային, սակայն այդ չի նշանակեր, որ ամերիկացիները տխրած են Ռախիսիի մահէն: «Այո՛, կրնամ ըսել, որ նախագահի մահէն ետք Իրանի ժողովուրդը ունի արեւելի լաւ վիճակ՝ ի տես որպէս դատաւոր եւ նախագահ Ռախիսիի գործած բռնութիւններուն», ըսաւ Պլինքըն:

Նշեց, որ ամերիկացի շարք մը գոնկրեսականներ քննադատեցին Թեհրանի ցաւակցագիր յղելու ամերիկեան որոշումը:

ՀՀ ԿԳՄՍ ՆԱԽԱՐԱՐԸ ԿՐԹՈՒԹԵԱՆ ՀԱՄԱՇՈՂՈՎԻ ԾԻՐԻՆ ՄԵՋ ՀԱՆԴԵՍ ԵԿԱԾ Ե ԶԵԿՈՅՑՈՎ

Հայաստանի Հանրապետության կրթության, գիտության, մշակույթի և մարմնամարզի նախարար Ժաննա Անդրեասյանը Լոնտոնի մեջ ընթացող կրթության համաշխարհային համաժողովի շրջանակին մեջ հանդես եկած է զեկոյցով՝ ներկայացնելով ՀՀ կրթական համակարգի բարեփոխումներն ու արձանագրուած արդիւնքները:



Նշելով, որ անընդհատ փոփոխող աշխարհին մեջ կրթության դերը է ազդեցութիւնը կը մնան անկրկնելի՝ որպէս կայուն զարգացման եւ ներառական աճի հիմնաքար, նախարարը իր զեկոյցին մեջ ներկայացուցած է ՀՀ կրթութեան՝ մինչեւ 2030 թուական զարգացման պետական ծրագրի առաջնահերթութիւնները:

«Վերջնական նպատակը արդիւնաւէտ եւ միջազգայնօրէն մրցունակ կրթական համակարգի ձեւաւորումն է՝ հիմնուած ազգային եւ համաշխարհային արժէքներու վրայ, որ իւրաքանչիւրին կենսի բոլոր փուլերուն հնարաւորութիւն պիտի տայ ստանալ որակեալ կրթութիւն՝ ըստ իր կարիքներու եւ կարողութիւններու, եւ հանրայնացնել կրթութիւնը որպէս նախապայման բարիք՝ ապահովելով կրթութեան բոլոր շահառուներու մրցունակ մասնագիտական պատրաստուածութիւնը», - նշած է ԿԳՄՍ նախարարը:

Ժաննա Անդրեասյանի խօսքով՝ ՀՀ կրթական համակարգին մեջ մինչեւ 2030 թուականը ռազմավարական երեք ուղղութիւններ նախանշուած են՝ համընդհանուր, ներառական, ուսանողակեցողն եւ մասնակցային կրթական միջավայրի ստեղծում, կրթութեան արդիւնաւէտութեան բարձրացում, կրթական ծառայութիւններու եւ պարալեկներու միջազգայնացում եւ արտահանում:

Անդրադառնալով մասնագիտական կրթութեան եւ ուսուցման ոլորտին՝ Ժաննա Անդրեասյանն ընդգծած է՝ ոլորտին մեջ նոր մարտահրաւերները նպատակաւոր դրած են Հայաստանի մեջ գիտելիքահէն տնտեսութեան ձեւաւորման՝ զարգացման հիմնական նախապայման դիտարկելով բարձր արհեստագիտութիւններու խթանումը:

Նախարարը ներկայացուցած է նաեւ մասնագիտական կրթութեան եւ ուսուցման ոլորտին մեջ մեկնարկած շարք մը ծրագրային նախաձեռնութիւնները:

«Ընթացող բարեփոխումներով նախատեսուած է աշխատանքի վրայ հիմնուած ուսուցման /երկեակ կրթութեան/ ձեւերու զարգացում եւ ընդլայնում, ՄԿՈՒ համակարգի ծրագրերու որակի բարելաւում, ինչպէս նաեւ օրէնսդրական շրջանակի իրաւական կարգաւորման մեխանիզմներու ապահովում՝ ներառեալ ֆինանսաւորման մեխանիզմները: 2023 թուականի դրութեամբ երկեակ կրթութեան ձեւը ներդրուած է Հայաստանի 20 ՄԿՈՒ հաստատութիւններու մեջ՝ շուրջ 24 մասնագիտութիւններու համար՝ գիտելիքահէն տնտեսութեան արհեստագիտութիւններ, գիտելիքահէն ծրագրերու ճշգրիտ ճարտարապետութիւն, լոկիսթիք եւ այլն», - ներկայացուցած է ԿԳՄՍ նախարարը:

Տեղեկացնելով, որ մշակուած է «Մասնագիտական կրթութեան եւ ուսուցման մասին» ՀՀ օրենքի նախագիծը՝ Ժաննա Անդրեասյանը նշած է, որ կ'առաջարկուի աշխատանքի վրայ հիմնուած ուսուցման համակարգի հաստատութեան կառուցում, ընկերային գործընկերներու ներգրամամբ կրթութեան կառավարման եւ կազմակերպման նոր ձեւի ներդրում, կրթական ծրագրերու ընդհանուր բովանդակութեան եւ պահանջներու վերանայում, ֆինանսաւորման համակարգի փոփոխութիւն, ձեռնարկատիրական գործունէութեան խթանում եւ այլն:

Բարեփոխումներու ծիրին մեջ կը նախատեսուի նաեւ վարչական եւ մակավարժական անձնակազմերու մասնագիտական զարգացման եւ խրախուսման փոխկապակցուած համակարգի ներդրում՝ նախատեսելով վերապատրաստում, հաստատագրի տրամադրում, կոչումներու շնորհում, ՄԿՈՒ համակարգի ուսանողներու եւ ուսուցիչներու իրաւունքներու եւ պարտականութիւններու կարգաւորում:

«Մասնագիտական կրթութիւն ստանալու հաւասար հնարաւորութիւններու ապահովումը բարեփոխումներու յատուկ ուղղութիւն է՝ համընդհանուր ներառման ապահովման միջոցով: Համընդհանուր ներառական եւ ուսանողակեցողն կրթական միջավայրի ստեղծումը կը պահանջէ բարձր գործընթացներու կազմակերպում, որոնք շրջանակին մեջ հնարաւոր պիտի ըլլայ ապահովել ՄԿՈՒ եւ ակադեմիական կրթական ծրագրերու եւ մասնագիտութիւններու վերանայում՝ աշխատաշուկայի պահանջներուն համապատասխան: Մասնագիտական եւ ակադեմիական ուսուցման հաւասարակշռման կայուն համակարգերու ստեղծումը՝ ըստ աշխատաշուկայի կարիքներու, կը ներառէ շարք մը ոլորտներու արդիւնաւէտ համագործակցութիւն, այդ շարքին՝ առաջնահերթ ոլորտներու մեջ համատեղ կրթական ծրագրերու մշակում: Կարելի է գործընթացներէն են ուսուցման ակադեմիական կետերու ճանաչումը, որ պիտի բարձրացնէ շրջանաւարտներուն մրցունակութիւնը, աշխատանքի վրայ հիմնուած ուսուցման լրացուցիչ մեխանիզմներու ստեղծումը, որ ուսանողներուն թոյլ պիտի տայ աւելի լաւ պատրաստուիլ մասնագիտական աշխատանքին եւ ձեռք բերուած գիտելիքներու եւ հմտութիւններու կիրառման աւելի լայն հնարաւորութիւններ ունենալ», - եզրափակած է ԿԳՄՍ նախարարը:

Համաշխարհային կրթական համաժողովին այս տարի կը մասնակցին աշխարհի 114 երկիրներու շուրջ 120 ոլորտային նախարարներ: Լոնտոնի մեջ տեղի ունեցող համաժողովին կը մասնակցի նաեւ ԿԳՄՍ նախարարութեան բարձրագոյն կրթութեան եւ գիտութեան կոմիտէի նախագահ Սարգիս Հայրոցեանը:

Բրիտանիոյ եւ Հիւսիսային Իրլանտայի Միացեալ Թագաւորութիւն կատարած այցի շրջանակին մեջ ԿԳՄՍ նախարար Ժաննա Անդրեասյանը հանդիպած է նաեւ Լոնտոնի համալսարանական ջոլեճի ներկայացուցիչներու հետ: Հանդիպման ընթացքին քննարկուած են «Ակադեմիական քաղաք» ծրագրի շրջանակին մեջ հնարաւոր համագործակցութեան առնչուող շարք մը հարցեր, մասնաւորապէս՝ Լոնտոնի համալսարանական ջոլեճի ներկայացուցիչներու՝ Կրթական համալսարանի ձեւաւորման մշակման հետ կապուած աշխատանքներուն մեջ մասնակցութիւն ունենալու վերաբերեալ:

Այդ ծիրին մեջ կայացած է շատ արդիւնաւէտ քննարկում, եւ բրիտանական կողմը համատեղ աշխատելու պատրաստակամութիւն յայտնած է: Պայմանաւորուածութիւն

(Շար.ը տեսնել 4րդ էջ)

ԹԻՖԼԻՍԻ ՄԵՋ ՆՇՈՒԵՅՈՒ ՄԱՅԱԹ ՆՈՎԱՅԻ ԱԻՆԴԱԿԱՆ ՎԱՐԴԱՏՕՆԸ

19 Մայիսին, Թիֆլիսի մեջ մեծ շուքով նշուեցաւ 110-րդ աննորական Վարդատօնը՝ նուիրուած աշուղ Սայաթ Նովայի յիշատակին:



Ինչպէս ամէն տարի՝ նախ հոգեհանգստեան պաշտօն կատարուեցաւ առաջնորդանիստ Սուրբ Գեորգ եկեղեցւոյ մեջ, որուն յաջորդէ վարդերու զետեղում՝ եկեղեցւոյ բակը գտնուող Սայաթ Նովայի յուշաքարին առջեւ: Այնուհետեւ տեղի ունեցաւ տօնական բացօթեայ համերգ՝ Գորգասալի հրապարակին վրայ:


Ներկաները ողջունեց Վիրահայերու միութեան ատենապետուհի Մարի Առաքելովա: Բացման խօսքով հանդես եկան Թիֆլիսի Զողաքապետական խորհուրդի նախագահ Կիրոկի Տղեմալաճէ եւ Վրաստանի մեջ Հայաստանի դեսպան Աշոտ Սմբատեան:

Ապա հրապարակին վրայ թեւածեց 300 տարիէ ի վեր իր արդիականութիւնն ու հնչեղութիւնը չկորսնցուցած անմահ աշուղին երգն ու երաժշտութիւնը:

Ելոյթներ ունեցան Հայաստանի ազգային նուագարաններու պետական նուագախումբը, հայ եւ վրացի երգիչ-երգչուհիներ, «Վանք», «Չէրան», «Անի» պարային համույթները եւ «Հայարտուն» կեդրոնի ասմունքողները:

ՀՀ ՏՆՏԵՍՈՒԹԵԱՆ ՆԱԽԱՐԱՐՆ ՈՒ ԱՄԵ ՊԵՏԱԿԱՆ ՆԱԽԱՐԱՐԸ ԶԵՆԱՐԿԱԾ ԵՆ ՏՆՏԵՍԱԿԱՆ ՅԱՐԱԲԵՐՈՒԹԻՒՆՆԵՐՈՒ ԱՄԲՈՂՁ ԾՐՁԱՆԱԿԸ

Ապու Տապիի մեջ 20-21 Մայիսին տեղի ունեցած է ՀՀ ԱՄԵ միջկառավարական համատեղ յանձնաժողովի 2-րդ կիստը:



Այս մասին Ֆէյսպուքի իր էջով գրած է Հայաստանի տնտեսութեան նախարար Գեորգ Պապոյեանը: Հայկական կողմէ կիստը նախագահած է նախարար Գեորգ Պապոյեանը, իսկ Եմիրաթական կողմէ՝ ԱՄԵ պետական նախարար Ահմետ Ալի Ալ Սայեդը: «Յարգարժան գործընկերոջս հետ քննարկեցինք հայ-Եմիրաթական տնտեսական յարաբերութիւններու խորացման հարցերու ամբողջ շրջանակը, եկանք կարելի համաձայնութիւններու, որոնք շուրջ ստորագրեցինք փաստաթուղթ», - գրած է Պապոյեան:

ՆԱԹՕ-Ի ՓՈՐՁԱԳԵՏՆԵՐԸ ԴԱՍԸՆԹԱՅՔ ԿԱՏԱՐԱԾ ԵՆ ՀՀ ՊՆ ՌԱԶՄԱԿԱՆ ԱԿԱԴՂԵՄԻԱՅԻՆ ՄԵՋ

Անցեալ շաբաթ ՀՀ Պաշտպանութեան նախարարութեան Վազգէն Սարգսեանի անուան ռազմական ակադեմիային մեջ ՆԱԹՕ-ի գործողութիւններու ծրագրաւորման փորձագետները կատարած են դասընթացք, որուն մասնակցած են ՀՀ Չինուած Ուժերու տարբեր ստորաբաժանումներու զինուորներ:



Պաշտպանութեան նախարարութեան լրատուականին տարածած հաղորդագրութեան համաձայն՝ Մայիս 13-17-ին կայացած դասընթացքին մասնակիցները տարբեր փուլերով ծանօթացած են գործողութիւններու ծրագրաւորման գործընթացին: Դասընթացքի արարտին մասնակիցներուն շնորհուած են հաւաստագրեր:

«ԱԶՆԱԲՈՒՐՈՎ ԵՐԿԱՐ ՏԱՐԻՆԵՐ ՊԻՏԻ ՀՊԱՐՏԱՆԱՆՔ՝ ԸՍԵԼՈՎ, ՈՐ ԱՆ ՀԱՅ Է»

ԸՍԱԾ Ե ԱՐԱ ԳԵՈՐԳԵԱՆ

Երաժիշտ, երգահան, Հայաստանի վաստակաւոր արւեստագետ Արա Գեորգեան աշխարհահռչակ երգիչ Շարլ Ազնաւուրի մասին խօսիլը պատիւ կը համարէ, կ'ընդգծէ, որ ան մեծ հայ էր, մեծ արուեստագետ, որուն աշխարհը գնահատած է:

Ըստ Գեորգեանի՝ Ազնաւուրը ուներ բացառիկ ձայն, իսկ երգի նկատմամբ անոր վերաբերմունքը, կատարելու ոճը, յոյզերը, ապրումները տեղ հասցնելու անոր ձեւը իւրայատուկ էին, չկրկնուող:

«Ազնաւուրը հոգատար էր մեր երկրին նկատմամբ. ան արձագանգած է մեր ամէն ցաւին: 1988-ի երկրաշարժին ժամանակ Ազնաւուրը իր շուրջը համախմբեց օտարազգի շատ երգիչներ, որոնք քանի մը լեզուով կատարեցին «Քեզ համար, Հայաստան» երգը: Այդ տիտանական աշխատանք էր, եւ իր անունն էր որ իր ետեւէն կը տաներ այդքան արուեստագետներ: Ազնաւուրը ստեղծեց հիմնադրամ, որուն շնորհիւ շատ օգնեց մեր երկրին, յատկապէս՝ Սպիտակի երկրաշարժէն տուժածներուն», - Շարլ Ազնաւուրի ծննդեան առթիւ կը նշէ Արա Գեորգեանը:

Գեորգեանը շատ բարձր կը գնահատէ Ազնաւուրը որպէս արուեստագետ, որպէս հայ, որպէս սրտացաւ հայրենակից, համամարդկային կերպար, որուն անունը տալով՝ հպարտութիւն կ'ապրի: Ան վստահ է՝ Ազնաւուրով երկար տարիներ պիտի հպարտանանք՝ ըսելով, որ ան հայ է: Երգահանը Ազնաւուրին հետ հանդիպելու առիթ չէ ունեցած, ինչին համար շատ կ'ափսոսայ, քանի որ կը փափաքէր երգիչին խորհուրդը լսել: «Կ'ուզէի, որ Ազնաւուրը լսէր «Ատանա» երգը՝ նուիրուած Հայոց ցեղասպանութեան: Շատ կը փափաքէի, որ ան կատարէր այն, ինչին շնորհիւ հեշտութեամբ երգին շուրջ պիտի համախմբէր տարբեր ազգերու մեծ երգիչներ», - կ'ըսէ ան:

(Շար.ը տեսնել 4րդ էջ)



ԱՄՈՒՆՈՒՄ ԳՐԱԿՈՒՆԵՐՆԵՐ

ԱՓՐԻԿԵԻ ՉԵՏՓԻՆՆԵՐ ԼԻԿԻ ԱՄՍՐՏ. ԵՐՁ ԱՆ ԱՐԼԻ ՀԱՄԱՐԵՑԱՒ

Շաբաթավերջին տեղի ունեցավ Ափրիկեի ֆուտբոլի աշխարհի առաջնակարգ մրցաշարի Չեմփիոնզ Լիգի առաջնության փուլի երրորդ մրցումը Թունիզիայի «Ալ Թադաբի»-ի և Եգիպտոսի «Ալ Ահլի»-ի միջև: Հաջողակ կազմակերպման արժանի երկու կազմերն ալ կոլ չկրցան նշանակել ու մրցումը աւարտեցաւ առանց կոլերու: Դարձի մրցումը պիտի ըլլայ ճակատագրական: Ստորեւ տեսնել արձանագրուած արդիւնքը.

- Ալ Թադաբի (Թուն.) - Ալ Ահլի (Եգ.) 0-0

ՀԱՅԱՍՏԱՆԻ ԱՆՈՅՑԵԱՆՈՒԹԵԱՆ 35-ՐԴ ՀԱՆԳՐՈՒՄՆ ԼՈՎ ԶԻՋԵՑԱՒ ԵՒ ՆԱՅԱՆՁԵՑ

Հայաստանի ֆուտբոլի ախոյեանութեան Նախապետը իր 35-րդ հանգրուանի մրցումներու ծիրին մէջ, առաջատար Արմաւիրի «Նոա»-ն իր դաշտէն դուրս մրցեցաւ 2-րդ դիրքը գրաւող «Փիւնիկ»-ի դէմ, կրեց իր 8-րդ պարտութիւնը եւ Նահանջեց 2-րդ դիրք: Կիսապաշտպան Յովհաննէս



Յարութիւնեան տուգանայինով՝ 43-րդ, կիկերիացի յարձակող Օթոնյանն 76-րդ և ուզբանացի պաշտպան Պրաթըով՝ 85-րդ վայրկեաններուն նշանակեցին «Փիւնիկ»-ի կոլերը: Խումբը վերագրուեց առաջատարի դիրքը: Իսկ 5-րդ դիրքը գրաւող Երեւանի «Արարատ»-ը իր դաշտին վրայ մրցեցաւ 6-րդ դիրքը գրաւող «Ալաշկերտ»-ի դէմ, պարտութիւն կրեց ու Նահանջեց 6-րդ դիրքը: Վրացի պաշտպան Չիթիշվիլի՝ 45+2-րդ, կիսապաշտպան Կարեն Նալպանտեան՝ 45+4-րդ եւ 58-րդ վայրկեաններուն նշանակեցին «Ալաշկերտ»-ի կոլերը: 64-րդ վայրկեանին, քամերունցի կիսապաշտպան Մուսթաֆա Նշանակեց «Արարատ»-ի կոլը: Ստորեւ տեսնել արձանագրուած արդիւնքները.

- Վեսթ Արմենիա - ԲԿՄԷ Երեւան 3-2
 - Վան Չարենցաւան - Ուրարտու 1-1
 - Արարատ - Ալաշկերտ 1-3
 - Փիւնիկ - Նոա Արմաւիր 3-0
 - Արարատ-Արմենիա - Շիրակ Կիւմրի 1-1
- Դասաւորում. 1) Փիւնիկ 79 կէտ 83-28, 2) Նոա 77 կէտ 66-32, 3) Արարատ-Արմենիա 72 կէտ 70-33, 4) Ուրարտու 49 կէտ 48-48, 5) Ալաշկերտ 45 կէտ 53-53, 6) Արարատ 44 կէտ 38-49

Ումարկուներ. 1) Ա.Միրանեան - Նոա 22 կոլ, 2) Ե.Օթոնյանն - Փիւնիկ 21 կոլ, 3) Ս.Եսթաթրա - Արարատ-Արմենիա 18 կոլ:

ԱՅՍՕՐՈՒՄՆ ԱՐՅՈՒՄՆԵՐՈՒ ՅԱՅՏԱԳԻՐ

- ԼԻԲԱՆԱՆԻ ԱՆՈՅ.Բ.ՓՈՒԼԻ 15-ՐԴ ՀԱՆԳՐՈՒՄՆ**
 16:00 Ալ Շապապ Ղազիյէ (12) - Թրիփոլի Ռիատի (11)
 16:00 Ահլի Նապաթիյէ (9) - Հիքմէ (10)
- ԻՏԱԼԻՅԻ ԱՆՈՅՑԵԱՆՈՒԹԵԱՆ 38-ՐԴ ՀԱՆԳՐՈՒՄՆ**
 21:45 Զալիարի (15) - Ֆիորենթինա (8)
- ՀՈՆԿՈՆԳՐԱԿԱՆ ԵՐԵՎԱՆԻ ՓԼԵՅ-ՕՏ**
 19:45 ՆԻՍ Նայմեկըն (6) - Կօ Հիւտ Իկըլզ (9)
 22:00 Իւրթեյիթ (7) - Սիպրթա Ռոթըրտամ (8)
- ՊՐԱՇԻԼԻ ԲԱԺԱԿԻ 1/16-ՐԴ ԱՄՍՐՏ. ԴՐՁ**
 01:00 Բրիսիոլմա (14) - Պահիա (2)
 01:00 Պոթաֆոլո ՍՓ (Բ.) - Փայմէյրաս (Ա.)
 01:30 Ռոյապա (Ա.) - Կոյաս (Բ.)
 03:30 Սաօ Փաուլօ (Ա.) - Ալույա Մարապա (Դ.)
- ՊԱՄԵՐԹՊՈԼԻ ԵՆ.ՊԻ.ԷՅ.-Ի ԱՆՈՅՑԵԱՆՈՒԹԵԱՆ**
 03:00 Պոսթըն Սելթըն (1) - Ինտիանա Փէյսըզ (6)
- ԹԵՆԻՍԻ ԺԵՆՏԻ ՄՐՑ. 1/4-ՐԴ ԱՄՍՐՏ.**
 11:00-Են սկսեալ, «beinsports» կայանէն
- ՀԵՏԵԼՍՐՇԱՐ**
 15:10 Giro D'Italia շրջավազը, «eurosport» կայանէն
- ՍԱՌԻ ՀՈՒՅԻ ԱՇԽԱՐՀԻ ԱՆՈՅՑԵԱՆՈՒԹԵԱՆ**
 17:20, 21:20 «IIHF YouTube Channel»-էն

ՊԱՄԵՐԹՊՈԼ ԵՆ.ՊԻ.ԷՅ.-Ի ԱՆՈՅՑԵԱՆՈՒԹԵԱՆ ՍԵՆԹԻՔՍ, ՓԵՅՍՈՐԶ, ՄԵՎՐԻԷՍ ԵՒ ԹԻՄՊԵՐԿՈՒԼՎԶ ԴԵՊԻ ՅԱԶՈՐԴ ՓՈՒԼ

Շաբաթավերջին շարունակուեցան պասքէթբոլի ԱՄՆ-ի արհեստավարձ ախոյեանութեան փլէյ-օֆի մրցումները: Շրջաններու փլէյ-օֆի մրցումներուն յայտնի դարձան շրջաններու աւարտական հանգրուանին մասնակցող խումբերը: Կը յաղթէ չորս մրցումի յաղթող խումբը: Ստորեւ տեսնել արձանագրուած արդիւնքները.

- Արեւելեան շրջան.**
 - Պոսթըն Սելթըն (1) - Զիլվէտ Զավալիըզ (4) 113-98
 «Սելթըն» յաղթեց 4-1 մրցումներու հաշիւով
 - Նիւ Եորք Նիքս (2) - Ինտիանա Փէյսըզ (6) 109-130
 «Փէյսըզ» յաղթեց 4-3 մրցումներու հաշիւով
- Արեւմտեան շրջան.**
 - Տալաս Մեվրիքս (5) - Օքլահոմա Սիթի Թաստըր (1) 117-116
 «Մեվրիքս» յաղթեց 4-2 մրցումներու հաշիւով
 - Տենսըր Նալեց (2) - Միլնետթա Թիմպըրուվզ (3) 90-98
 «Թիմպըրուվզ» յաղթեց 4-3 մրցումներու հաշիւով:

ՍԱՌԻ ՀՈՒՅԻ ԱՇԽԱՐՀԻ ԱՆՈՅՑԵԱՆՈՒԹԵԱՆ ԾՈՒՆ ԱՌԱՆՑ ՊԱՐՏՈՒԹԵԱՆ

Չեմփիոնի Փրակա եւ Օսթրալիա քաղաքներու մարզադաշտերուն վրայ շարունակուեցան սառի հոգիի աշխարհի ախոյեանութեան մրցումները: Մասնակցող 16 հաւաքականները բաժնուած են երկու խմբակի: Իւրաքանչիւր



խմբակի առաջին 4 դիրքերը գրաւած խումբերը պիտի անցնին քառորդ աւարտական փուլ: Բ.խմբակի վերջին մրցումին, առաջատար Շուէտ ամրապնդեց իր դիրքը յաղթել ետք 4-րդ դիրքը գրաւող Սլովաքիոյ հաւաքականին: Ստորեւ տեսնել արձանագրուած արդիւնքները.

- Ա.խմբակ.** - Ֆինլանտա - Չուիցերիա 1-3
 Դասաւորում. 1) Գաւատա 7 մ 19 կէտ 32-18, 2) Չուիցերիա 7 մ 17 կէտ 29-12, 3) Չեմփիա 7 մ 16 կէտ 26-14, 4) Ֆինլանտա 7 մ 10 կէտ 21-14, 5) Աւստրիա 7 մ 7 կէտ 21-29, 6) Նորվեկիա 7 մ 6 կէտ 15-25, 7) Ղանիա 7 մ 6 կէտ 15-29, 8) Բրիտանիա 7 մ 3 կէտ 12-30
- Բ.խմբակ.** - Շուէտ - Սլովաքիա 6-1
 Դասաւորում. 1) Շուէտ 6 մ 18 կէտ 29-8, 2) ԱՄՆ 7 մ 16 կէտ 37-16, 3) Գերմանիա 7 մ 15 կէտ 34-24, 4) Սլովաքիա 7 մ 12 կէտ 26-23, 5) Լատվիա 7 մ 9 կէտ 19-29, 6) Ղազախըստան 7 մ 6 կէտ 12-31, 7) Ֆրանսա 7 մ 4 կէտ 13-26, 8) Լեհաստան 7 մ 1 կէտ 11-29
- Քառորդ աւարտական հանգրուանին պիտի մրցին հետեւեալ խումբերը.
 Գաւատա - Սլովաքիա
 Չուիցերիա - Գերմանիա
 ԱՄՆ - Չեմփիա
 Շուէտ - Ֆինլանտա

ՀԵՏԵԼՍՐՇԱՐ ԺՐՈ ՏԻՊՍԼԻՍ ՓՈԿԱՅԱՐ ՊԱՐՇՅ ԱՌԱՎԵԼՈՒԹԻՒՆԸ

Շարունակուեցաւ հեծելաբաշալի այս տարուան առաջին կարելոր մրցումը՝ Իտալիոյ շրջավազը: Մրցումներուն կը մասնակցին 165 մարզիկներ: Այս տարուան 17-րդ



մրցումը 159 քիլոմետր հեռավորութեամբ մրցում մըն էր Սելվա Տի Վալ Կարտենայէն Փասսօ Տէլ Պրոքոն: Այս հանգրուանը լեռնային մրցումն մըն էր ու մագլցողները առաւելութիւն ունէին: «Իգիփոսթ»-ի գերմանացի մարզիկ Կերկ Շթայնհաուզըր գրաւեց առաջին դիրքը արձանագրելով 4:28:51 ժամ արդիւնք: Երկրորդ դիրքը գրաւեց առաջատար «Թիմ Եմիլեյ»-ի սլովէն թատել Փոկացարը, 1:24 վայրկեան ուշ: Իսկ երրորդ դիրքը գրաւեց «Պահրէյն Վիքթորիզ»-ի իտալացի Արթուրո Թիպերի, 1:42 վայրկեան ուշ: Ընդհանուր դասաւորումը 17 հանգրուան ետք.
 1) Թատել Փոկացար-Սլվ., Թիմ Եմիլեյ, 63:31:18 ժամ վրկ. ուշ
 2) Տանիէլ Մարթինեզ-Գոլ., ՊՐՐԱ-Հասկրոհէ, 7:42 վրկ. ուշ
 3) Ժերէթ Թոմաս-Բրիտ., ԻՆԵՍՍ Կրեւստիըզ, 8:04 վրկ. ուշ:

ՀՀ ԿԳՄՆ ՆԱԽԱՐԱՐԸ ԿՐԹՈՒԹԵԱՆ ՀԱՄԱՇԽԱՐՀԱՅԻՆ ՀԱՄԱԺՈՂՈՎԻ ԾԻՐԻՆ ՄԵԶ...

(Շարունակուած Գ. Էջէն)

ձեռք բերուած է, որ Լոնտոնի համալսարանական քոլեճի ներկայացուցիչները յառաջիկային պիտի ժամանեն Հայաստան, որուն ընթացքին պիտի ստորագրուի համապատասխան յուշագիր. այն ներկայիս վերջնականացման փուլին է:

Պայմանաւորութեան ձեռք բերուած է նաեւ համագործակցութեան հիմնական ուղղութիւններու շուրջ, որոնք կը ներառեն Կրթական համալսարանի հասկացողութեան մշակման, ինչպէս նաեւ խոշորացում համալսարաններու կառավարիչներու վերապատրաստման հարցերը: Հանդիպման ընթացքին ընկարկուած է նաեւ բուն իրականացման գործընթացը, քանի որ Լոնտոնի համալսարանական քոլեճը անցած է խոշորացման գործընթաց, որուն միատրուած են տարբեր հաստատութիւններ եւ նոյն ինքն Կրթական հիմնարկը: Նշուած է, որ բրիտանական կողմը պիտի կիսուի իր փորձառութեամբ եւ կիրառական գիտելիքներով՝ ինչպէս իրականացնել այդ գործընթացը:

NOR SEROUNT
Armenian Cultural Association

ՆՈՐ ՍԵՐՈՒՆԴ
Մշակութային Միութիւն

AREK
DANCE TROUPE

Շողուն ԱՐԵԳՍԿ

ՈՒՐԲԱՅ 31 ՄԱՅԻՍ 8:30
 ՀԱՐԱՅ 1 ՅՈՒՆԻՍ 8:30 (GALA)
 ԿԻՐԱԿԻ 2 ՅՈՒՆԻՍ 4:30 2024

ՄԻՆ ԷԼ ՖԻԼԻ ԲԱՂԱՔԱՊԵՏԱՐԱՆԻ ՄՐԱՀ

Գեղարուեստագիտ. Դերասան **ԳԱՐԼՈ ՄԵՐԵՂԵԱՆ**
ARTISTIC CHOREOGRAPHER

Փոքրու եւ Պարտաւարտ Պարտադր. **ԳՈՂՎՐ ՏԵՄԻՐՅԱՆ - ԳԱՄՊՐԵՆ**
TEENAGERS CHOREOGRAPHER **KOHAR DEMIRJIAN-KASBARIAN**

TICKETS DONIGUAN BOOK STORE - Mar Mekhael, STUDIO VATCHE - New Hadjen, SALON RAZMIG - Antelias, LIBEIRUT CELL - Badawi street, or from the ticketing desk on the days of the performance.

ՀՆԵՐԻԿ ՄԵՏԻՔՐԵՆԸ ԿՐ ՊԱՇՏՊԱՆՔԻ ՊԱՐՈՒՄԻՆ ԵՒ ԳԵՐԻ ՊԱՇՏՊԱՆՔՆԵՐՈՒՄՆ ԱԶԿԱՆՔԻ ԿՐ ԿՐԵՆԻ

Իտալական «Ինթեր Միլան» ֆուտբոլի խումբի միջնապահ եւ Հայաստանի ազգային հաւաքականի Նախկին խմբապետ Հենրիկ Մխիթարեան Ինսթալարամի իր Էջին



վրայ կատարած գրառումով մը հակադաս է Ատրպէյճանի կողմէ ապօրինաբար բանտերու մէջ պահուող Արցախի ռազմաքաղաքական ղեկավարներու բանտարկութեան ժամկետեր երկարածելու Պաքոյի իշխանութիւններու որոշումին:

Ան բողոքած է այս ապօրինութեան մասին՝ պահանջելով անյապաղ ազատ արձակել Ատրպէյճանի մէջ շինծու մեղադրանքներով բանտարկուած Արցախի ռազմաքաղաքական ղեկավարութիւնն ու միւս գերի պահուող հայերը:

«ԱՉՆԱԽՈՒՐՈՎ ԵՐԿԱՐ ՏԱՐԻՆԵՐ ՊԻՏԻ ՀՊԱՐՏԱՆԱՆԸ...»

(Շարունակուած Գ. Էջէն)

Նոյն օրը երգը թարգմանուած է ֆրանսերէնի, որ կատարած է Անտան Պարօն: Հետագային այն թարգմանուած է կատարուած է սպաներէնով, պուկլարերէնով, արաբերէնով, անգլերէնով, պարսկերէնով: Գերագետնը երգի նոթաներու բաշխումը կը փափաքի Նուրիէ Ազնաւուրի թանգարանին:

Ան կը շեշտէ, որ աշխարհի մէջ ունէ հանրայայտ երգիչ իր մասին այդ տեսակ երգ չունի, երբ տարբեր ազգութիւններու արուեստագետներ կ'ըսեն՝ շնորհակալութիւն, որ երգած ես մեզի համար ու ջերմ պահեր պարգեւած ես քու երգովը:

«Կ'ուզեմ, որ այս ծրագիրը մտնէ Կիւնսի մրցանիշներու գիրք, եւ Ազնաւուրը աշխարհի մէջ ըլլայ միակ երգիչը, որուն մասին գրուած երգը այդքան տարբեր ազգերու ներկայացուցիչներ կ'երգեն իրենց լեզուով: Շատ կը փափաքեմ, որ Երեւան իրաւորուին այդ բոլոր երգիչները: Ամէն մէկ երգիչ գայ ու կատարէ Ազնաւուրի մէկ երգ, եւ վերջապէս իրենց երգն իմ գրած երգը: Ամէն մէկը՝ իր լեզուով, թարգմանութիւնը կը գրուի պատասխան», - յոյս յայտնած է Գերգետնը:

BOGHOS OPTIC

Autoroute Jdeideh,
Tel.: 01-870016

ARARAD DAILY NEWSPAPER
MANAGING DIRECTOR: ANI SARAFIAN

Tel.-Fax: 01-565599 | P.O.Box: 175275 Mar Mikhael
Beirut | Lebanon | www.araraddaily.com
email: araradorart1@gmail.com

ارارات جريدة سياسية يومية أرمنية | المحبرة المسؤولة: أني صرافيان
تصدر عن شركة ماسيسر للمباعة والنشر (ش.م.م.)